



文苑英華辯證卷之七

脫文二

又如徐陵册陳王九錫文亂離永久羣盜孔多  
浙右凶渠連兵構逆豈止千兵五校白雀黃龍  
而已哉公以中軍元帥選是親賢姦寇塗窮灌  
然冰泮自豈止至塗窮二十七字見陳書而文  
苑從南史止云勢窮力蹙四字○沈炯勸進梁  
元帝表陛下日角龍顏之姿表於狗齊之日彤  
雲素氣南史作靈之瑞基於應物之初博覽則大哉

無所與名深言則曄乎昭

南史  
作文

章之觀忠爲令

德孝實動天加以英威茂畧雄圖武筭指麾則

丹浦不戰顧盼則版泉自蕩七十六字見梁書

南史而文苑止作陛下孝實動天忠爲令緒加

以

闕二  
字

威窮則版泉自蕩

○上官儀賀涼州瑞

石表伏見涼州都督李襲譽表昌松瑞石合百

一十字其文曰高皇海出多子李久王八千年

太平天子李世民王千年太子李治書燕山人

樂太國子尙注諤獎文仁通千古大王五王六

王七王十王鳳尾才子天子武文貞觀昌大聖

延四方上下萬治忠孝爲善按唐書五行志貞

觀十七年八月四日原州昌松縣鴻池谷有石

五青質白文成字曰高皇海出多子李元王八

十年太平天子李世民千年太子李治書燕山

人士樂大國主尙汪譚獎文仁邁千古大王五

王六王七王十鳳毛才子七佛八菩薩及上果

佛田天子文武貞觀昌大聖延四方上不治示

孝仙戈八爲善詞旣異同而文苑脫十一字新

史云樂太國主指安樂太平公主七佛八菩薩  
及上果佛田指武后則十字當增入然與百一  
十字數皆不合○許敬宗賀朔旦冬至表伏見  
宣義郎李淳風表稱竊見古曆分日起於子半  
勘得今歲十一月甲子朔旦冬至而故太史令  
傅用垂天心按唐會要有此表云故太史令傅  
仁均欲尊異張曹玄法減餘稍多子初爲朔遂  
差三刻用垂天正脫二十一字當增入○隋文  
帝求賢詔見隋書仁壽三年凡五百餘字文苑

止載庶政爲懷以下百餘字○權德輿歲星居  
心贊文苑與集同而文粹所載多百餘字○元  
稹賢良策文苑文粹文類止云設三以任人  
而集本作四式文載本○許籌珪禪師影堂記自  
結廬而下多脫畧三不能止有二不能今以傳  
燈錄增入○彭城王檄征鎮文周太祖檄高歡  
文脫畧亦多今以宋書范曄傳及周書北史增  
入

其有他本節畧而文苑有全篇者○如劉孝綽

望雨詩瓊 挂綃幕象簾列華床侍童拂羽扇

厨人奉盥漿內則有漿有盥注盥涼也類聚初學記並無此

四句○王胄奉和悲秋應令詩秋天擬文學秋

水檀莊蒙草濕蕪葭露波卷洞庭風便坐翻桑

葉長坂歇蘭叢簷喧猶有燕波靜未來鴻蟬噪

聞疑斷池清映似空劉安悲落木曹植歎征蓬

重明豈疑滯無累在淵冲隨時四序合應物五

情同發言形惻隱睿作挺神功下材均朽木何

以慕雕蟲此篇前五韻初學記作蕭愨秋日詩

文苑一百七十八卷亦載云庾信作而一百七

十九卷乃十韻共題王胄作觀其詞意只是一

篇當以十韻爲正○宋之間送杜審言詩卧病

人事絕聞君萬里行河橋不相送江樹遠含情

別路追孫楚維舟弔屈平可惜龍泉劍流落在

豐城集本同近洪氏遼絕句詩選入止收前二

韻○駱賓王帝京篇春去春來若自馳爭名爭

利徒爾爲久留郎署終難遇空掃相門誰見知

集本無此四句○張說開元大衍曆序勒成一  
部名曰開元大衍曆經七章一卷長曆三卷曆  
議十卷立成法十二卷天竺九執曆一卷古今  
曆書二十四卷畧例奏草一卷凡五十二卷按  
唐會要云經章十卷長曆五卷曆議十卷立成  
法天竺九執曆二卷古今曆書二十四卷畧例  
奏草一卷凡五十二卷唐藝文志云大衍曆一  
卷又曆議十卷曆立成十二卷曆草二十四卷  
七政長曆三卷心機筭術括一卷二書雖與文

苑小異而其卷具存唯集本文粹脫長曆三卷  
至天竺九凡七字九執廼曆名出西域也○

李德林天命論隋書本傳於內節去自流於戶  
外至入司文武五百六十五字續添○劉洎請

太子尊賢重道書諸本於內節去竊以良娣之

選至重內而輕外也一段說已見年月篇○魏徵明堂

議自五帝至誠感自中九十四字何者至罔知

一百五字顏師古議自聖上至僉議一百五十

四字舊唐書會要文粹並節去並續添此類皆當

從文苑

脫文四

其有元本脫逸而文苑因而襲之者○如徐彥伯題李適碑陰詩序云人三章章八句合一十五章据此當有五人名氏其詩每名三章今止有徐詩二章○巖峻字挺之諫安福門酺樂表與舊史所載同但三不可舊史作四不可四不可作五不可既有五不可却無三不可一段而新史亦以爲陳五不可疑脫一段○杜牧沈傳

師行狀出爲湖南觀察使兼御史大夫凡三歲轉爲此下諸本並同疑有脫文按舊史傳師出爲湖南入爲尙書右丞出爲洪州轉宣州○此皆可疑而亦可闕者也

同異

凡詩文與他本有題同而詞異者○如柳顧言奉和晚日楊子江應教詩詰旦金鏡發駮駕出城闈鮮雲臨葆蓋細草藉班輪千里煙霞色四望江山春梅風吹落蘂酒雨減輕塵日斜歡未

畢睿想良非一風生疊浪起霧捲孤帆出挾藻  
麗繁星高論光朝日空美鄒枚侶終謝淵雲筆  
初學記亦載一首大江都會所長洲有舊名西  
流控岷蜀東汎邇蓬瀛未覩織羅動先聽遠濤  
聲空濛雲色晦浹疊浪華生欲知暮雨歇當觀  
飛旆輕○許渾和友人送僧歸桂州靈巖寺詩  
楚客送僧歸故鄉海門帆勢落瀟湘碧雲千里  
暮愁合白雪一聲春思長滿院草花平講石遶  
龕藤葉葢禪床憐師不得隨師去已戴儒冠事

素王許集有此詩二首前四句同後四句異云  
柳絮擁堤添袖軟松花浮水注瓶香南宗長老  
幾年別聞道半巖多影堂前詩題作和浙西從  
事劉三復送僧南歸後詩作和友人送僧歸桂  
州靈巖寺豈文苑誤邪○方干敘雪寄鳧喻詩  
密片繁聲久未銷縈風雜霰轉飄颻澄江莫蔽  
長流色衰柳難粘自動條濕氣添寒酷酒夜素  
花迎曙卷簾朝此時行逕無人迹唯望嶽之間  
寂寥方干集中別載一首密片無聲急復遲紛



紛猶勝落花時逡巡不覺藏莎渚宛轉偏宜傍  
柳枝透室虛明非月照滿空迴散是風吹高人

坐卧才方逸援筆應成六出詞

前篇唐宋類詩以爲杜荀鶴作

而杜集亦無之

○杜弼爲東魏檄梁文與類聚通鑑並

同惟魏書島夷蕭衍傳文旣諄複先後亦異其

同者數百字而已○陳鴻長恨歌傳見麗情集

京本大曲詞多異同○以上二篇今並錄于本

篇之後○又如答魏和移文二首前篇何敬容

作頗詳後篇任孝恭作見類聚其文大同小異

○李德裕集敘二首前篇鄭亞作蓋亞爲桂帥

時撰今德裕集用之後篇李商隱作疑亞先委

判官商隱代作亞後改定故有異同○以上四

篇文苑並收覽者所宜詳也

文苑英華辯證卷之七終

文苑英華辯證卷之八

離合一

凡詩有一篇析而為二二篇合而為一者○梁

武帝白銅躡歌三首

一作襄陽  
踏銅蹄

陌頭征人去

中女下機含情不能言送別沾羅衣其草樹非

一香花葉百種色寄語故情人知我心相憶其

龍馬紫金鞍翠眊白玉羈照耀雙闕下知是襄

陽兒其見郭氏樂府今文苑合第一第二為一

首又增襄陽白銅蹄聖德應乾來為首句按郭

氏云隋書樂志襄陽白銅蹄梁武帝自爲三曲

又令沈約爲三曲今隋志無古今樂錄沈約又作其

和云襄陽白銅蹄聖德應乾來合從樂府○張

率長相思二首長相思久離別美人之遠如雨

絕獨延佇心中結望雲雲遠散望鳥鳥飛滅遠

望終若斯珠淚不能雪其一長相思久別離所思

何在若天垂鬱鬱相望不得知玉階月夕映羅

帷風夜吹長思不能寢坐望天河移其二見樂府

今文苑從類聚無遠望終若斯珠淚不能雪二

句遂合爲一首詳前後數篇當從樂府作二首

○劉孝威蜀道難玉壘高無極銅梁不可攀雙

流迸巖道九坂澁陽關鄧侯東馬度王生斂轡

還斂轡懼身尤叱馭奉王獻樂府作懼身充叱馭奉王若猶慳

若恡千金重誰爲萬里侯戲馬吞珠界揚舲濯

錦流沉犀厭怪水握鏡表靈丘禺山金壁有光

輝遷客車馬尚輕肥彌想王褒擁節反更憶相

如乘傳歸君平子雲閬無嗣江漢英靈信已衰

此篇文苑與類聚同惟郭氏樂府析前五言八

句後七言六句爲二首而無中間六句劉氏樂府又止有前八句當從文苑爲一首○江總姬人怨天寒海水慣相知空床明月不相宜庭中芳桂憔悴葉井上疎桐零落枝寒燈作花羞夜短霜鴈多情怕結伴非爲隴水望秦川直至思君腸自斷又姬人怨服散篇薄命夫壻好神仙逆愁高飛向紫煙金丹欲成猶百鍊玉酒新熟幾千年妾家邯鄲好輕薄特忿仙童一丸藥自悲行處綠苔生何悟啼多紅粉落莫輕小婦狎

春風羅襪也得步河宮雲車欲駕應相待羽衣未去幸須同不學簫史還樓上會逐姮娥戲月

中二詩本集及類聚合爲一篇今詳題目一爲

姬人怨一爲姬人怨服散篇

本集類聚止作姬人怨

正與

詞相應當從文苑爲二首○元稹西齋小松詩松樹短於我清風亦已多况乃松上雪動搖微月波幽姿得閑地詎感歲蹉跎但恐屢終構藉君當柰何簇簇枝新黃纖纖攢素指柔苴漸依條短莎還半委清風日夜高凌雲竟何已千歲

盤老龍脩鱗自茲始此詩文苑與集本併爲一首詳其詞意既是兩韻又用二清風字當爲二首

續添

○此類覽者所宜詳也

避諱

凡避諱而易以他字者○如庾信蕭太誌周書北史並作蕭泰庾信蓋避周太祖諱泰改作太字○虞寄諫陳寶應書見南史本傳以世故作艱故不世作動俗庶民作庶人廼作史者避唐諱耳○許敬宗舉賢良詔用生民吏民致治成

治字而唐大詔令改爲生靈吏人致政成化當

唐太宗時二名不偏諱

見實錄及會要

高宗雖諱治而

此詔在貞觀二十一年六月疑是後人追改○

新羅王織錦作詩理物體含草理唐書本傳作

治此在高宗末徽元年獻詩當避高宗諱則理

字是○崔沔對應封神嶽舉賢良策用治字世

字時神功元年武后雖已革命不應便用唐諱

○蘇頲冊開元神武皇帝文開者泰也罔不享

享疑作亨或謂肅宗諱亨故改作享然此先天

二年册文也時肅宗諱嗣昇開元十二年改諱  
浚二十六年改諱紹天寶二載方改諱亨安得  
預爲之諱乎○又有避家諱者如杜甫宴王使  
君宅詩留懽上夜關世謂子美不避家諱詩中  
兩押閑字麻沙傳孫氏覲杜詩押韻作上夜閑  
北斗閑今文苑亦作上夜閑其實皆非也或改  
作夜闌又不在韻按下氏集注杜詩及別本自  
是留懽上夜關蓋有投轄之意上字誤爲上字  
關字訛爲閑字耳北斗閑者廼諸將詩曾閃朱

旗北斗殷殷於顏切紅色也用班固燕然銘朱  
旗絳天之意或者當 國初時 宣祖諱殷正

繫音雖不同字則一體遂改爲閑邪文苑不載諸將詩因

併及之

異域 地名附

異域國名有與史傳異者○如紇斡斯門按唐  
書黠戛斯傳黠戛斯古堅昆國亦曰紇斡斯後  
訛爲黠戛斯李德裕與紇斡斯書與前篇黠戛  
斯書及唐黠戛斯傳事迹並同今文苑旣出黠

曼斯門又有紇圻斯門誤矣○韓愈送權尚書  
序臘真于陀利之屬按南史通典並作干陀利  
而諸本韓文並以干作于○又烏公先廟碑從  
戰榛鹿集本文粹並作柎祿柎祿山也○杜牧  
爲中書門下請追尊號表鄭吉之理焉壘班超  
之鎮地乾焉當作烏地當作他見二漢書

如通鑑考

異焉者入頁于魏後魏書曰昔作烏者云  
漢時舊國也按漢書作焉蓋字之訛耳

### 鳥獸

凡鳥獸名有訛舛及與他本異者○如喬夔渥

注馬賦夏后九伐按山海經大樂之野夏后啟  
於此舞九代馬則伐疑當作代○張仲素千金  
市駿骨賦豈辨靈螭之洪胤按顏延年赭白馬  
賦祖雲螭兮則靈疑當作雲○張說隴石監牧  
碑騶馭驪駱駟駮駮雜鴉駮集以駱作駱鴉作  
騶駮雜作駮駱按詩有騶有駱有駮有雜注白  
馬黑鬣曰駱赤身黑鬣曰駮黑身白鬣曰雜又  
乘乘鳩注驪白雜毛曰鳩此碑正用詩中語集  
本恐非○牛上士師子賦豈方姿於魁儵儵當

作鷲張景陽七命曰拉魑魃

上胡其切白虎也下式六切黑虎也

○石鎮罔兩賦雖見鵠而異稟將斷續而則悲

鵠莊子作鶴鄭惜送金城公主適西蕃詩貴王

悲黃鶴

崔日詩雙鶴願為歌李適詩王

鶴漢

書作鵠按玉篇鶴何各切鵠胡篤切

漢紀注云黃鵠大鳥

非白鵠也

似是二物然莊子鵠不日浴而白陸德明

音義直云鵠又作鶴並胡洛切則是一物又藝

文類聚鶴門亦有鵠事樂府飛來雙白鶴一作

白鵠則鵠鶴通用不可輕改○解鵠語判驗茲

鵠鵠取效何異於公明公明管輅字也此判題

云隣婦殺夫鵠來相告事見管輅傳則鵠疑當

作誰古沃切玉篇誰誰鵠廣韻誰鵠似鵠而

周禮設其鵠注鵠鵠小鳥今並存之○此類實

者所宜詳也

### 草木

凡草木名有訛舛及與他本異者○庾信枯樹

賦松子古度平仲居遷按左思吳都賦平仲君

遷松梓古度注皆木名楮櫬木出交阯藝文類



聚古文苑並作君遷是矣松梓二木而類聚古文苑並作松子未詳姑闕之○敬括豫章賦掩  
莫靈之光價按莊子楚之南有冥靈者以五百  
歲爲春以五百歲爲秋莫疑當作冥○劉禹錫  
傷往賦飄零日及之萼集作日反按廣志日及  
木槿也晉成公綬潘尼並有日及賦反字恐非  
○敬括木連賦白居易集有木連樹詩序云其  
花似蓮此賦亦云狀中浦之芙蓉連疑當作蓮  
○李迥秀和侍宴樂安公主山莊詩萩園竹徑

接帷陰苗稅千畝判無聞萩竹之奢按東方朔  
傳萩竹籍田是竇太主園貨殖傳河濟之間千  
樹萩渭川千畝竹師古曰萩卽楸字集韻萩楸  
通用萩字恐非○庾肩吾和汎舟漢水詩桂棹  
棠堂船初學記作架棠船按古樂府沙棠爲船  
桂爲楫廣韻棠木名玉篇棠棠可衛水則堂  
當作棠架字誤○吳筠竹賦葉筩筋曼射筒林  
筩筩一猶筩筩筩一按吳都賦筩筩有叢類  
聚載筋竹初學記載蔓竹吳都賦又云筩筩射

筒由梧有篁注由梧竹出交趾張衡南都賦篠  
簞箠箠初學記竹譜又有筮竹似桂疑當作策  
勞筋篁射筒篠箠猶箬箠箠而筮字亦可並存  
又菡墮粹文而繡攄菡疑作箇初學記箇墮竹  
皮類繡梁元帝玄覽賦堯韭舜榮本草昌蒲一  
名堯韭一本作堯悲非陳章艾人賦列名號於  
水壺壺一作臺是爾雅艾水臺康子玉瓜賦大  
則三尺二升升疑當作斗廣志青登瓜大如三  
斗魁桂枝瓜長二尺餘若止二升何足為大又黃瓠白搏

之質搏當作搏陸機瓜賦黃瓠白搏蓋押班字韻王

僧孺有所思詩朝光照辟邪樂府作昔邪一名垣一

瓦名見本草辟字恐非○此類覽者所宜詳也

文苑英華辯證卷之八終

文苑英華辯證卷之九

雜錄一

杜甫南郊賦屏玉軼以蠖畧按甘泉賦蠖畧蕤  
綬蠖於鑊反正言車馬之狀而集作蠖畧非○  
李德裕瑞橋賦霜飛文囿文囿者文王之囿也  
而集作天囿

白居易射中正鵠賦且無聲而有聞聞雖訓問  
而集徑作問

杜甫少年行臨軒下馬坐人床而集作臨街傾

銀注玉驚人眼而集作注瓦皆是後人所改也  
陳子昂贈倉曹乞推命祿詩非同墨翟問空滯  
殺龍川集作至龍川按墨子墨子北之齊遇日  
者以今日殺黑龍於北方而先生之色墨不  
可以北墨子不聽不遂而反此詩謂推命祿則  
殺龍是集本作至非也

白居易七德舞魏徵夢見子夜泣

徵疾亟太宗夢與徵別既

寤流涕是夜徵卒故御製碑云昔殷宗得良弼於夢中今朕失賢臣於覺後見唐書

張謹

哀聞辰日哭以子夜對辰日兼注文亦明甚而

一本作天子泣恐非

顧況歷陽苦雨詩亥市風煙接亥或改作互按

張籍江南詩云江村亥日長爲市又洪氏初列隆

興職方乘曰分寧縣本武寧縣之常州亥也嶺

南村落有市謂之虛不常會多虛日西蜀曰咳

如咳疾間而復作也江南曰亥本與蜀同惡以

疾稱止曰亥耳二說如此則爲亥市明矣

杜頴故絳行君不見虜神宮左傳晉侯築虜神

之宮注虜神地名在絳西四十里臨汾水而文

粹廼作祈禱宮非也

白居易進士策問第二道大時不齊大信不約  
大白若辱大直若屈雷一發而蟄蟲蘇勾萌達  
霜一降而天地肅草木衰其爲時也大矣斯豈  
不齊者乎日月代明而晝夜分刻漏者準之無  
杪忽之失焉春秋代謝而寒暑節律呂者候之  
無忝累之差焉其爲信也大矣斯豈不約者乎  
堯讓天下而許由遁周有天下而伯夷餓其爲  
白也大矣斯豈辱身者乎桀不道龍逢諫而死

紂不道比干諫而死其爲直也大矣斯豈屈已  
者乎詳上下文斯語極爲允當而印行集本却  
於辱身屈已之上各添一不字但欲與不齊不  
約相應而忘其淺陋今別白言之以見印本經  
後人添改大率類此益知舊書之可信也

又衣食之源策求靡萍於中陵植橘柚於江北  
靡萍見左思魏都賦尋靡萍於中逵五臣注靡

流也而集本無靡字柚字

楚詞天問  
靡萍九衢

孫翊文詞雅麗策反支通奏甲夜觀書反支日

不受章疏見後漢而一本作及晨通奏未詳孰是

李德裕上尊號玉册文寬底劄之罪劄誅見周禮司烜氏注又漢書述哀紀底劄鼎臣而集作虔劉

元稹授趙宗儒太常卿制肇自清廟逮予還宮贊導法儀踰於四百俛伏趨數訖無尤違趨數見禮記其行也趨趨以數讀作促速而集作趨數

徐陵勸進梁元帝表滕公擁樹見夏侯嬰傳一本作固擁

祖君彥爲李密檄洛州文三空總萃見後漢陳蕃傳而舊唐書作三靈總粹

孫樵書田將軍邊事大入成都門其二門作兩句讀而文粹集本廼削其三門三字止云大入成都門遂不成文

陸襄誅心符屈婞見離騷經婞直以身亡而或作屈仕

白居易趙郡李公家廟碑李氏南祖此李紳也  
唐宰相世系表紳本趙郡李氏有南祖西祖東  
祖而集以南作宗

梁肅獨孤常州行狀孔文子以敏而好學爲文  
公叔發以恤衛國凶饑爲惠公叔拔一名發見  
禮記注而集作公叔發廩

皇甫湜韓愈行狀五爲侍郎謂愈初遷刑侍貶  
潮移表入爲國子祭酒改兵侍使鎮州廻轉吏  
侍改京尹與李紳不協改兵侍因自辨後爲吏  
侍凡五爲侍郎也而集本廻作位爲侍郎

以上並當以文苑爲正

雜錄二

述聖賦

太宗御製敘

闕作者名氏按唐謝偃傳太宗

召偃欲偃作賦先爲序一篇頗言天下安功

德茂盛意授偃使賦之偃緣帝指名曰述聖帝  
甚悅賜偃幣帛數十則此篇是謝偃所作

蕭后述志賦后常不隨從時復見帝失德心不  
敢措言北史本傳作未嘗不隨從后見帝失德

心知不可不敢措言因作述志賦以表其意  
庾信哀江南賦茫茫慘黷錢起圖畫功臣賦掃  
乾坤之慘黷杜甫送郭中丞詩中原何慘黷按  
文選陸機漢功臣贊茫茫宇宙上慘下黷慘楚  
錦切塵也三字並當作慘文哀江南賦下文復  
云人神慘酷則上不當用慘字明矣而周書迺  
以慘酷爲怨酷

鄭錫觀百獸率舞賦條支之犀黃支之鶯按漢  
平帝紀黃支獻犀牛西域傳條支國有大鳥卵  
如甕疑當作黃支之犀條支之鶯

高無際并賦棲永康之瑞鳥韋承慶枯井賦永  
康則金精化鳥鳥一作馬按藝文類聚引異苑  
永康王曠井上有洗石子婦覩二黃鳥鬪掩取  
變成黃金則馬字非

獨孤授吉光裘賦青鳳之燠徒稱雍陶千金裘  
賦誇煥於青鳳按拾遺周昭王以青鳳毛爲二  
裘一燠質二暄肌則誇煥之煥當作燠字明矣  
陸龜蒙幽居賦力止戡蟬按列子臣之力堪秋



蟬之翼注堪猶勝也則戡當作堪

李義府在雋州遙敘封禪詩初學記凡兩出一在泰山門一在封禪門文苑所編乃泰山門中所載者而封禪門中題作羨陪封禪乃前篇節

文首云日觀啟崇期

初學記前篇與文苑作崇祠

又於第三

聯有二云眺迥分吳乘凌高屬漢祠

初學記前篇與文苑並無

此按爾雅路八達謂之崇期又漢官儀云泰山東南巖有日觀日觀者雞一鳴時見日始欲出長三丈所又東南有秦觀秦觀者望見長安吳觀者望見會稽周觀者望見齊所謂眺迥分吳乘卽吳觀也二篇異同如此當並存之

### 雜錄三

李百藥少年行少年  
飛翠蓋上路動金鑣始酌  
文君酒新吹弄玉簫少年子歡樂盡芳朝千金笑裏面一搦掌中腰桂纓豈憚宿落珥不勝嬌少年子無辭歸路遙此篇用兩少年子在每四句後亦是而文粹樂府乃以前二句爲少年不歡樂何以盡芳朝後二句爲寄語少年子無辭

歸路遙詳上下詞意殆不如文苑今姑存之

張籍蘇州江岸留別樂天詩銀泥裙映錦障泥  
畫舸停橈馬簇蹄清唱曲終鸚鵡語紅旂影動  
薄寒嘶漸消醉色朱顏淺欲語離情翠黛低莫  
忘使君吟詠處汝墳湖北武丘西此詩張集不  
載見樂天集題作武丘寺路宴留別諸妓薄寒  
作駮鞮廣韻云駮鞮蕃大馬也汝墳作女墳乃  
虎丘寺真娘墓也以此辨之文苑誤矣

康翊仁鮫人潛織詩二日丈人嫌按樂府焦仲  
卿妻詩三日斷五匹丈人故嫌遲後漢范滂謂  
毋爲大人而史記索隱注韋昭云古者名男子  
爲丈夫尊父媪爲丈人故漢書宣元六王傳所  
云丈人謂淮陽憲王外王毋卽張博毋也故古  
詩云三日斷五匹丈人故嫌遲也

趙嘏西峯卽事獻沈大夫詩山連謝宅餘霞在  
水應琴籟舊浪春又有宛陵寓居上沈大夫詩  
晚伴西峯醉客還又云謝家雲水滿東山此二  
首皆言宛陵也宛陵今宣州謝玄暉守宣城有

謝公亭又有詩云餘霞散成綺又有琴溪卽琴  
高控鯉之地則雞當作谿沈大夫卽沈傳師也  
梁孝元帝蘭澤多芳草詩春蘭本無艷初學記  
作無絕按楚詞春蘭兮秋鞠長無絕兮終古則  
無絕字亦是

白居易霓裳羽衣舞歌答微之啟云七州千萬  
戶集作七縣十萬戶時微之在浙東若以越州  
管內言之則七縣十萬戶若以浙東觀察使所  
統言之則元文似是但千字疑啟中誇大之詞

羅隱薛

陽

屬築歌平泉上相東征日曾爲陽陶

屬築歌烏江太守會稽侯相次三篇皆俊逸平  
泉謂李德裕曾作此歌蘇州刺史白居易越州  
刺史元稹並有和篇此言烏江恐是吳江迺蘇  
州也

白居易題于家公主舊宅詩平陽有宅少人遊  
應是遊人到卽愁布穀鳥啼桃李院絡絲蟲繞  
鳳凰樓臺傾滑石猶殘砌簾斷真珠不滿鈎聞  
道至今簫史在髭鬚皓白向韶州

韶集

按于家

公主憲宗之女永昌公主下嫁于頔之子季友  
元和間卒追封梁國謚惠康韓退之有荒歌時  
季友尚存故有梧桐半樹春之句謂半死半生  
也于頔家河南後徙貫京兆居易所題舊宅在  
洛中言公主已亡而簫史尚在其後有寄明州  
于駙馬使君詩留滯三年在浙東又有近海饒  
風海味腥鹹之語皆指明州也檢唐史于頔傳  
不書季友終於何官而宰相世系表季友絳宋  
等州刺史不及明州蓋省文也今文苑乃作韶  
州按唐公主有二人適于氏一則季友一則于  
琮適于琮者宣宗之女廣德公主以大中十三  
年下嫁時白居易於會昌六年卒已十三年矣  
于琮以咸通八年爲相十三年貶韶州刺史廣  
德公主與之同往其後並死於黃巢則于琮之  
在韶州也夫妻尚亡恙又在居易卒之後安得  
題公主舊宅乎文苑誤指季友爲于琮遂改作  
韶州不可不辯

姚崇水壺誠龐恭致水恭字當作叅事見後漢

牛僧孺譴猫趙厥亂岷蜀以羅冲征之厥當作  
厥冲當作尚一名仲事見晉書

河南尹魏少游謝官表蒙恩除臣河南尹又云  
發自渠州星言 路按唐書少游傳自渠州刺  
史授京兆尹而表文又引鈎距平反二事今云  
河南未詳

許智仁奏懷州黃河清表伏見涼州玄石式昭  
靈命臣部黃河應時清澈按唐書五行志貞觀  
十六年正月懷州黃河清十七年涼州李襲譽  
奏瑞石其年鄭州滑州河清今涼州玄石在先  
懷州河清在後則與史異

魏知古尋李道士不遇詩忽聞歸舊縣初學記  
作苦縣按老子姓李楚苦縣人也下云復想入  
函關亦老子事並指李先生當從初學記

續添

文苑英華辯證卷之九終

文苑英華辯證卷之十

雜錄四

盧照隣與在朝諸賢書方回尚在王羲之就倉  
奴而共談按晉劉惔傳惔與羲之友善郗愔有  
倉奴知文章羲之每稱于惔惔問何如方回羲  
之曰小人耳惔曰常奴耳則倉當作愔

張玄晏謝宰相啟假金駿爲駑駘之飾駿疑作  
鏃亡犯切馬首飾也張衡東京賦金鏃鏤錫  
薛廷珪授司農卿制鄭玄漢之名儒也韓信漢

之上將也尚聞徵拜或至就加按前漢兩韓信傳無爲司農事而韓安國失官家居武帝召爲北地都尉遷大司農疑是安國 又治粟內史秦官景帝後元年更爲大農令武帝太初元年更爲大司農則漢初未有大司農也

蘇頲授房光義光祿卿制蘭猗趨職已仗於誰何猗當作錡見張平子西京賦注云蘭錡兵架也

封敖德陽節歎道文按唐會要武宗六月十一日生名慶陽節今作德陽未詳

朱敬則北齊高祖論看尉景之肱景本傳作胝又北齊文襄論神武云日爲我蝕今死亦掩北齊書本紀作死亦何恨

庾信拓跋儵碑南起清政之樓北史本傳作清德樓李商隱祭伏波廟文德陽殿下寧相馬以推工馬援傳作宣德殿下

草華諫陳後主書世祖東定吳會西破王琳謂湘州刺史王琳不應命而世祖平之也而文苑

作西破桂林恐非

杜牧上宣州高大夫書上官儀草廢武后詔李  
玄義助處俊言不可以位與武后而集本文粹  
並作上官儀革廢武后召李玄義云云按唐書  
高宗欲廢武后令上官儀草詔又欲令武后攝  
政郝處俊李義琰固爭此云李玄義未詳然集  
粹誤矣又云宰相河東司空公中書令裴公皆  
進士文粹以司空公中書令作司徒兼中書令  
按下文云司空公始相憲宗又云裴公元和中

翦蔡是二人也蓋司空公廼杜黃裳與杜牧俱  
是京兆萬年人爲檢校司空河中慈濕節度使  
故云河東司空公旣與杜牧同族故不書姓名  
而裴度則爲司徒真拜中書令亦非兼也今杜  
牧云皆進士又分別兩人事迹則非一人矣况  
總云凡此十九公則是房元齡郝處俊來濟上  
官儀李玄義婁師德張柬之郭元振魏知古姚  
元崇宋璟劉幽求蘇瓌子頊張說張九齡張巡  
并杜黃裳裴度共十九人文粹廼云司徒兼中



書令裴公則遺杜黃裳一人與下文不應當如  
集本作司空公中書令為是

修堤堰判堯水屢逢媧灰未正正疑當作止淮  
南子女媧積廬灰以止淫水

謝偃玉謀真紀齊桓以三代之功按前漢郊祀  
志齊桓公曰寡人北伐山戎西伐東馬懸車南  
伐至召陵兵車之會三據此是三伐也代疑當  
作伐

皮日休九諷並以吾之惺音惺為偃文粹以惺作

霾按玉篇廣韻有惺字音埋慧也惺是惺字所  
注音惺字訛當作埋而文粹轉作霾非

李嶠授成善威等刺史制卜處冲久叅武衛夙  
奉文樞文樞見張衡西京賦鏤檻文樞而或作  
文貌姑兩存之

獨孤及洪州刺史張公遺愛頌膠悴集作悴寒亟

苛察繳繞之吏膠怍寒亟按列子作膠怍讓極

又楊公遺愛頌貸首種首種見月令而集作貸  
其種

賦中撰人名氏有與唐登科記不同者如崔損  
五色土賦大曆十年上都試第四崔恒第六崔  
種無名損者丁春澤日觀賦大曆十年東都試  
作丁澤劉清止水賦開元五年試第十三劉延  
玉第十七劉疑無名清者崔損北斗賦開元七  
年試作崔鎮

沈亞之旌故平盧軍節士文渤海人高沫沫集  
作鉢此李師道判官也新史舊史並作高冰  
賈至授暢瓘諫議大夫制總目作楊瓘而舊史

有暢瓘傳嘗為諫議大夫

高士廉文思博要序秘書郎宋正時而唐藝文  
志撰文思博要者有李淳風無宋正時

李華楊騎曹集序趙郡李傾南陽張階連年高

第而唐登科記有李伉李欣張錯無李傾張階

左武衛曹許君經邦集序唯昌黎韓愈友善韓

為江西從事此篇元以為權德輿作而德輿集

無之愈亦未嘗為江西從事疑愈字誤隆興職方乘載

昌黎韓洄為觀察使張鎬僚佐正在此時恐是韓洄又英華載張鎬遺愛頌云昌黎韓洄職方

乘誤作泗

徐陵自稱徐君

與王僧辨書孤張說自稱張君

祭殷仲堪文弔陳司馬書並稱張君張氏女墓志稱季兄君本集並作某

人自稱如文選王僧達祭顏光祿文自稱王君

王績集中載兩答刺史杜之松谷處士馮子華

與江公重借隋紀四書並稱王君白又文選任

彥升固辭奪禮啟昉字李善本作君呂延濟曰

昉家集諱其名但云君撰者因而錄之未詳孰

是

張說為建安郡王武攸宜平冀州賊契丹露布

建安郡王武攸宜一本作河內郡王集作神

道按唐書萬歲通天初建安郡王武攸宜為清

邊道行軍大總管討契丹神功元年河內郡王

武懿宗為神兵道大總管討契丹孫萬榮今露

布所載廼河內郡王而集中首題河內郡王臣

某一作為是

褚無量元希聲崔景暉墓誌沈傳師行狀元不

書名止云某今以唐書填入他皆倣此

雜錄五

張說季春下旬宴山池序尾暮春之提日按初學記晦日門引公羊傳提月六鵬退飛過宋都提月者何僅逮是月也何以不曰晦日也今題云季春下旬則提月也但日字可疑耳今公羊傳作是

月釋文一徒兮反

韓愈藍田縣丞廳壁記劾數慢近世方崧卿韓集舉正云劾文苑作諺蜀本作該該轉爲劾其訛益甚又再進再屈于人洪氏容齋續筆云杭

本韓文作再屈千人蜀本作再進屈千人文苑亦然舉正云蜀本作再進再屈千人文苑作再進屈千人今從他本以千爲于仍多再字方崧卿

舉文苑以證韓文然比今本又自不同意好事者展轉改易反失其真今名存其說

又李元賓墓誌竟何爲哉竟何爲哉邵伯溫次子博字公濟續父書號聞見後錄謂石本以上句作意何爲哉爲妙舉正遂信其說大抵前輩文字多有改於石刻之後而石本真贗尚未可知况邵氏父子所錄差誤非一端不可盡信以

理觀之則元本竟字亦未爲不是終勝意字

楊炯薛元超行狀上幸九成宮時太子英王侍  
皇帝酒酒酣公獻壽曰天皇合易象乾將三男  
震坎艮今日是也集作太子英王皇帝侍酒酣  
皇帝蓋謂睿宗也當如集本廼合三男之說

賦中押韻間有不見官韻者固所未詳乃如漢  
文帝幸細柳營賦以將軍出令漢帝徐行爲韻  
賦內云遙臨渭水之將詩在渭之將將側也本  
是官韻或乃改作傍

又勤政樓視朔觀雲物賦以歡作端沛父老留  
漢高祖賦以意爲里皆輕改官韻

凡文苑所編失作者年代先後或叢雜不倫今  
各釐正如表疏哀册文謚議碑誌中釋門家廟  
神道中職官等卷是也他皆倣此覽者所宜詳  
也

凡詩賦雜文等多重出而頗有異同蓋編文苑  
時非出一手故也又二百六十一卷諸本並有  
兩卷其篇數雖合總目而詩多重復或全異者

如周賀十二首重者三溫庭筠十五首重者五  
杜牧九首皆不同許渾十四首前卷闕其九今  
合爲一卷去其重複注異同爲一作

按楊文公作楊徽之行狀云受詔與諸公編文  
苑英華以公專精風騷特命編詩爲二百卷則  
詩出一人之手不知何故重複如此

凡書疏表啟等文苑多與舊唐書貞觀政要太  
宗實錄唐會要同而新史多潤色其文頗異今  
亦參取

孔熙先爲彭城王檄征鎮文見宋書范曄傳迺  
畢與熙先等謀逆之文也文苑亦從而錄之未  
詳

楊盈川楊去盈墓誌蔣琬之譏盛元責在司空  
元集作允按後漢黃琬對司空盛允曰蠻夷猾  
夏責在司空當作黃琬盛允蔣琬乃蜀人也

于邵送趙評事赴東都序身田身筭之貢身疑  
作身古文厥字見廣韻玉篇

文苑英華辨證卷之十

Large stylized watermark or seal impression, possibly reading '圖書' (Library/Book).

卷之九



